



Gya'gyauq

家 教

□ Vangz Vazdingz/黃華婷

Bohmeh gou seng dou sam beixnuengx. Daj dou iq daengz hung, daxboh gou caenndang son'gyauq dou guhvunz guhsaeh, gangj dauhleix hawj dou saenqfug, mbouj dub mbouj ndaq, de baenzlawz guh, dou couh baenzde hag. Daxboh gou ciengzseiz naeuz, guh vunz youq lajmbwn, itdingh aeu roxsoq, gaej hawj vunz naeuz raeuz mboujmiz gya'gyauq.

Daxboh gou lij iq seizhaenx, buz gou baenzbingh naek, mbouj geijlai nanz couh dai lo. Daxboh gou doeg cuhcungh sat couh deng maranz, caeuq goeng gou doih guhhong, ciengx song boux nuengxsai. Aen ranz mboujmiz bouxmeh, boh gou couh lumj bouxmeh ityiegh, sinhoj dwg-rengz hawj de roxsoq vaiq, bezheiq swnhheiq, rox nyiengh vunz, rox ndiep vunz.

Son'gyauq lwg gienh saeh neix, daxboh gou soqlaiz mbouj gaemfaex bangx, hix mbouj maenxda, engq mboujyungh gangj gyoengdou lo. Dou danghnaeuz guh saeh loeng, raen daengz aen lwgda daxboh, couh ngaemgyaej roengzdaeuj nyinhloek lo.

Gou doeg siujyoz seiq nienzgaep mwhhaenx, ngoenzngoez guhcaemz guh' angq, mbouj yunghsim doeg-saw, daengz gaujsi, suyoz ngamq gauj ndaej 48 faen. Mboujrox dwg mbouj dwg lauxsae suyoz lwnh daxboh gou

nyi, banhaemh gou maranz, gwn haeuxcaeuz sat, daxboh naeuz gou: "Aeu cieng(mbaw) sigenj suyoz mwngz hawj gou yawj mbat he." Gou doeksaet yat, najhoengz rwdik, daj ndaw daehsaw mbut(mbon) cieng sigenj suyoz okdaje, gyau hawj daxboh. Daxboh gaem cieng sigenj fan bae fan dauq yiuq, hix mbouj gangj saek coenzvah. Gou najmong yaek dai lo, ngaemgyaej roengzdaeuj, mbouj gamj oksing. Daxboh fan daengz mienh 48 faen de, hix mbouj dingz roengzdaeuj nauq, couh fan gvaqbae lo. Fan sat, daxboh aeu cieng sigenj hawj gou, hix mbouj gangj gijmaz vah nauq. Gou saetnaj yaek dai lo, yaek ra congh-gyoengj ndonj haeubae mbouj baenz yiengh. Daj baezde hwnj, gou mbouj gamj luenh baeyouz lo, haeusim doegsaw, faensoq suyoz hix gauj ndaej dail'it mingz lo.

Daxboh bezheiq swnh, gaen gyoengq vunzlai guhdoih youq, gizgiz nyiengh vunz, vunzlai hix gyaez de, gingqnaek de. Miz bi ndeu, ranznden guh ranzmoq, ciemq ranz dou sam cik dieg. Vunz ranz dou mbouj fug, siengj bae ra ranznden gangj dauhleix. Daxboh gienqnaeuz vunzranz, lwnh gojgaaq Cinghcauz Ganghhih dayozsw Cangh Yingh sij fung 《Sawranz》 de, gienqnaeuz vunzranz nyienghbouh, lij yinxyungh sei ndaw gojgaaq de naeuz: "Cienleix sijsaenq cij vih ciengz, nyiengh de sam cik youh baeuzyouq. Cangzcnwngz fanhleix haemj banz gaeuq, mboujraen bide Cinz Sij-vangz." Dauhleix gangj doeng le, vunzranz dingq sat, hix mboujcaiq

hemq lai lo. Doeklaeng, ranznden hix rox daengz baenzneix guh mboujdoiq, gag doiqnyiengh gaiq dieg ciemq haenx hawj dou, song ranz vunz doxndei lumj gaeuq.

Daxboh gou sim ndiep vunzbiengz, bangcoh vunzbiengz. Gou bet bi mwhhaenx seidoeng, lajmbanj dahlloh byaij daej boux vunz youzlangh ndeu, boux vunz de daenj buhvaq youh mbang youh reng, cingsaenz mbouj daih cingqciengz, dungx iek yaek dai lo. Gyoengq vunzmbanj lau de, lijmiz vunz gaem diuzfaex yaek caenh de. Daxboh gou mbouj lau de, bae daiq boux vunz youzlangh neix maranz, cauxfeiz hawj de raeujndang, dawz haeuxndat byaekndat soengq daengz gwnz fwngz de. Boux vunz youzlangh neix gwnguk gwnsat, cix gangj mbouj ok coenz vah ndeu, raemxda doekswdswd. Soengq boux vunz youzlangh de okbae liux, daxboh doiq dou naeuz: "Raen boux-wnq miz hojnanz, raeuz aeu caenlliengh bangcoh de. Langhnaeuz bungz daengz gaiq saeh neix, raeuz hix yaekaeu bouxwnq bangcoh. Mingzbeg lwi?" Dou geij beixnuengx ngaek-gyaeuj ngetnget.

Lijmiz gienh saeh ndeu, gou daengz banneix lij geiq ndaej cingcuj. Gou ngamq doegsaw bizyez camgya gunghcoz mwhhaenx, miz ngoenz ndeu, gou roengzban ma daengz ranz, yawjaen ndawranz vunz rim caez, cungqgyang humx boux goengdamengz ndeu caeuq boux lwgnyez sai ndeu. Boux goengdamengz ajbak guhfwen naeuz, boux lwgnyez sai neix bohmeh

dai caez, mbouj miz vunz ciengx de, hix mbouj ndaej bae hagdangz doegsaw lai. Boux goengdamengz neix dwg "fwenvuengz" ndawmbanj, de caeuq boux lwgnyez sai neix caemh mbanj, goengdamengz raen de holliez, couh daiq de riengz henz dah byaij doxoengz, bae gak mbanj gou gyoengq beixnuengx bangcoh boux lwg neix, miz cienz ok cienz, miz haeux hawj haeux, bangcoh de gwnyungh, bae hagdangz doegsaw. Daxboh heuh gou ra cienz, haeux okdaej, soengq daengz gwnzfwngz boux lwgnyez sai neix. Boux goengdamengz raemxda doeksws, aeu fajfwngz roz de lax gwnzgyaeuj gou, guhfwen docih dou. Gyoengq beixnuengx raen gou hawj cienz hawj haeux, bouxbou maranz dawz ngaenz dawz haeux daej soengq. Mbatneix daxboh mbouj gangj gjimaz nauq, amqamq doiq gou ngaekngaek gyaeuj.

Daxboh vihmaz yienghneix maj bang vunz? Hix dwg aenvih goeng gou son'gyauq de. Goeng gou caengz gvaqseiq mwhhaenx, doiq vunz cibfaen ndei, de lij coz mwhhaenx, soulouz boux vunz deuznhanh gvaq, hawj bouxvunz dierog neix youq ranz dou gwndaenj sam bi, daengz doeklaeng bouxvunz dierog neix bingzan maranz, ndawsim cibfaen gamjgik, hawj dahlwg de daej nyinh goeng gou guh boh.

Ciep goeng gou son'gyauq, daxboh gou ciengzseiz bangcoh vunz, de naeuz gaiq neix doj dwg saeh' iq, mbouj yungh lwnh hawj vunz nyi. Bingzciengz gaiq "saeh' iq" neix dou yawj youq ndaw lwgda, geiq youq ndawsim, hawj dou rox daengz, guh vunz aeu miz daudwz, raeuz doiq vunz ndei, couh dwg doiq swhgeij ndei.

Daengz ngoenzneix, daxboh itcig yungh gaiq gangj gaiq guh de son-gyauq dou, mboujguenj gungzfoud, raeuz doiq gwndaenj, aeu miz aensim gamjaen, soengyungz, nyienghunz, gvaq ndaej bingzan, cwxcaih, cijdwg yiengjsouh gij ceiq ndei seiqvunz.

Vah Ndawsim Dah Dafangz

育女的心声

□ Guj Gyah/古佳

Bohmeh seng ok ndang, Sim caemh fanz caemh hei, Vunz seng lwg fukgveiq, Raeuz feiq uk feiq sim.

Boh yied ngoenz yied geq, Meh yied ngoenz yied roz, Lau gou dai gyang loh, Ra bouxgoq mbouj doiq.

Bohmeh geq mbouj ndaej, Hawj bouxlawz ciengx raeuz, Ngeix caen ndaenqngaeu' ngeau, Ngeix daengz sim raeuz luenh.

Cog bohmeh mbouj youq, Bouxlawz bang ra gwn, Mboujnyienh youq lajmbwn,

Lau git vunz git doih.

Mwh bohmeh lij lix, Gou mbouj ngeix geijlai, Bohmeh baez naeuz dai, Lai gwn hei q geij boix.

Bohmeh guh sinhoj, Vihliux goq ndang raeuz, Baeg hix mbouj nyaekngaeu, Mbouj hawj raeuz lanzcienh.

Mbouj miz ngaenz ndawdaeh, Daeqhaej ndoeng bae ra, Vat rag faex rag nya, Dawz ma vuenh ngaenz yungh.

Ngaenzcienz youq gungx nya,

Ra okdaej dwk daeh, Yienznaeuz baeg mbouj ndaej, Daeq gvaq rungh gvaq banz.

Lauheiq gou dungxiek, Buet gvaq giz youh giz, Mbouj lwnh miz mbouj miz, Gabi sieng hix buet.

Gou goet mingh mbouj ndei, Meiz(miz) maz boiz bohmeh, Gyoengqde ciengx lwg geq, Bohmeh mbouj raen rengz.

Mbouj gangj ndaej gwn rengz, Raen gou bengz doeng angq, Seng gou daej ienqdanq, Ganq mbouj dij saek faen.

Bi daihbet daihgouj, Bouxbou bae doegsaw, Gou youq ranz baihndaw, Gigcaw(hei) daej mbouj duenh.

Raen vunz bae hagdangz, Gou sim angq lailai, Aen hoz haenz yaek dai,

Hai din naemj bae riengz.

Boh naeuz cih saw dij, Hix nyiengh hawj gou bae, Hojsik byaij mbouj ndei, Bae mbouj miz boux daiq.

Caj daengz nuengx haeuj hag, Gou gag angq ndawsim, Baedauq miz boux cing(yien), Angq lumj ndaej gimyawh.

Gou rox cih saw dij, Caeuq vunz bae hix saengz, Mboujmx daiz inglaeng, Hix bae saengzle.

Gou youq baihrog ndun(ndwn), Gaex rin hung daej naengh, Aeu rin daej guh daengq, Naengh dingq vunz hwnjdangz.

Boux lauxsae sim ndei, Cing gou haeuj bae hag, Dingqnyi vunz hai bak, Gou gag geiq ndawsim.